

AUGLÝSING

um nafn sameinaðs sveitarfélags Djúpárhrepps, Holta- og Landsveitar og Rangárvallahrepps.

Ráðuneytið hefur í dag staðfest nafn hins sameinaða sveitarfélags sem varð til í umdæmi sýslumannsins á Hvolsvelli hinn 9. júní 2002 við sameiningu Djúpárhrepps, Holta- og Landsveitar og Rangárvallahrepps í eitt sveitarfélag, sbr. auglýsingu nr. 318/2002.

Hið sameinaða sveitarfélag skal heita Rangárþing ytra.

Félagsmálaráðuneytinu, 25. júní 2002.

Páll Pétursson.

Guðjón Bragason.

AUGLÝSING

um deiliskipulagsáætlun í Reykjavík.

Hlíðarhús 3-5.

Í samræmi við skipulags- og byggingarlög, samþykkti borgarráð Reykjavíkur þann 14. júní 2002, breytingu á deiliskipulagi fyrir Hlíðarhús 3-5. Uppdrættir hafa hlotið þá meðferð sem skipulags- og byggingarlög mæla fyrir um.

Skipulagið öðlast þegar gildi.

Grensásvegur 13.

Í samræmi við skipulags- og byggingarlög, samþykkti skipulags- og byggingarnefnd þann 29. maí 2002, breytingu á deiliskipulagi fyrir Grensásveg 13. Uppdrættir hafa hlotið þá meðferð sem skipulags- og byggingarlög mæla fyrir um.

Skipulagið öðlast þegar gildi.

Reykjavík, 28. júní 2002.

Skipulagsfulltrúi Reykjavíkur,

Helga Bragadóttir.

AUGLÝSING

um breytingu á deiliskipulagi við Efri-Vík í Skaftárhreppi.

Samkvæmt skipulags- og byggingarlögum hefur sveitarstjórn Skaftárhrepps þann 5. maí 2002 samþykkt breytingu á deiliskipulagi fyrir ferðapjónustu við Efri-Vík í Skaftárhreppi.

Deiliskipulagsuppdráttur með breytingu hefur hlotið þá meðferð sem skipulags- og byggingarlög mæla fyrir um.

Jafnframt fellur úr gildi áður samþykkt deiliskipulag fyrir hluta af svæðinu frá 22. júlí 1996.

Deiliskipulagið öðlast þegar gildi.

Skaftárhreppi, 28. júní 2002.

Ólafía Jakobsdóttir sveitarstjóri.

1. júlí 2002

Nr. 473

SAMÞYKKT

um breytingu á samþykkt um stjórn og fundarsköp Eyjafjarðarsveitar nr. 381/1999, með síðari breytingum.

51. gr. samþykktarinnar orðast svo:

A. **Til fjögurra ára.** Á fyrsta eða öðrum fundi að afloknum sveitarstjórnarkosningum:

1. *Atvinnumálanefnd.* Fimm aðalmenn og jafnmargir til vara. Nefndin skal vera sveitarstjórn til ráðuneytis í atvinnumálum og hafa frumkvæði að tillögugerð til sveitarstjórnar á því sviði. Jafnframt fari atvinnumálanefnd með framkvæmd fjallskilamála í umboði sveitarstjórnar, sbr. 3. gr. fjallskilasamþykktar fyrir sveitarfélög á svæði héraðsnefndar Eyjafjarðar, nr. 235/1996, og málefni sem snerta búfjárhald, forðagæslu o.fl. skv. 9. gr. laga nr. 46/1991 um búfjárhald, forðagæslu o.fl.
2. *Félagsmálanefnd.* Fimm aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991 og annast nefndin m.a. málefni heimþjónustu, framfærslumál og áfengisvarnir. Félagsmálanefnd fer jafnframt með stjórn og samræmingu húsnæðismála sveitarfélagsins, sbr. 6. gr. laga um húsnæðismál nr. 44/1998, og jafnréttismál, sbr. 10. gr. laga nr. 96/2000 um jafna stöðu og jafnan rétt kvenna og karla.
3. *Íþrótt- og tómstundanefnd.* Fimm aðalmenn og jafnmargir til vara. Nefndin skal vera sveitarstjórn til ráðuneytis í íþrótt- og tómstundamálum og hefur frumkvæði að tillögugerð til sveitarstjórnar á þeim vettvangi. Henni ber að hafa eftirlit með íþróttamannvirkjum þar sem það á við og hún á samstarf við aðrar nefndir, svo sem skólanefnd, um þau viðfangsefni sem sameiginleg geta talist.
4. *Launanefnd.* Þrír aðalmenn og jafnmargir til vara. Nefndin er sveitarstjórn til ráðuneytis í launa- og kjaramálum og vinnur að gerð kjarasamninga fyrir sveitarfélagið hafi umboð til kjarasamninga ekki verið falið öðrum, svo sem sameiginlegri launanefnd sveitarfélaga.
5. *Menningarmálanefnd.* Fimm aðalmenn og jafnmargir til vara. Nefndin skal vera sveitarstjórn til ráðuneytis í menningarmálum og hefur frumkvæði að tillögugerð á þeim vettvangi. Menningarmálanefnd fer auk þess með bókasafnmál, sbr. 7. gr. laga nr. 36/1997 um almenningsbókasöfn, lög nr. 66/1995 um grunnskóla og samning um bókasafn Eyjafjarðarsveitar, dags. 2. febrúar 1999.
6. *Skipulagsnefnd.* Þrír aðalmenn og jafnmargir til vara skv. 6. gr. skipulags- og byggingarlaga nr. 73/1997.
7. *Skóðunarmenn.* Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
8. *Skólanefnd.* Skólanefnd fari bæði með málefni leikskólans og grunnskólans og sitji í